



Вазирликнинг 2021 йил “3” март
2021 -сон буйруғига б-илова

Ўзбекистон Республикаси мустақиллигининг 30 йиллиги муносабати билан “Расмлар” ва “Видеороликлар” онлайн танлови НИЗОМИ

I. Умумий қоидалар

1. Ўзбекистон Республикаси Олий ва ўрта махсус таълим вазирлиги томонидан 2021 йилда Ёшлар ўртасида маънавий-маърифий ва тарбиявий ишлар самарадорлигини ошириш бўйича Олий ва ўрта махсус таълим вазирлиги тизимида амалга ошириладиган ишлар юзасидан чора-тадбирлар Дастурининг 4-банди ижросини таъминлаш мақсадида ташкил этилади.

2. “Расмлар” ва “Видеороликлар” танловида олий таълим муассасаларида тахсил олаётган талабалар ўзлари тайёрлаган Расмлари ва Видеороликлари билан иштирок этади.

3. Танловнинг олий таълим муассасаси босқичларини ташкил этиш ва ўтказиш жараёни олий таълим муассасалари Ёшлар масалалари ва маънавий-маърифий ишлар бўйича проректор ва бўлим бошлиғи томонидан амалга оширилади.

II. Танловнинг мақсади ва вазифалари

4. Танловнинг асосий мақсади Мустақиллигимизнинг 30 йилигини кенг нишонлаш, уни талаба-ёшлар ўртасида тарғиб қилиш, ёшлардаги ватанга, она заминга бўлган ҳурмат туйғусини янада шакллантириш, иқтидорли талабалар ижодий ишларини кенг жамоатчиликка етказиш, уларни ватанпарварлик руҳида тарбиялашга қаратилган амалий чора-тадбирлар ва маънавий-маърифий ишларнинг таъсирчанлигини ошириш, иштирок етувчи барча ташаббускор ёшларни муносиб рағбатлантиришдан иборат.

III. Танловни ўтказиш босқичи ва муддатлари

5. “Расмлар” ва “Видеороликлар” онлайн танлови икки босқичда ўтказилади.

Биринчи босқич - олий таълим муассасаси миқёсида факультетлараро июнь ойида ўтказилади.

Иккинчи босқич (якуний) – республикадаги барча олий таълим муассасалари ҳолиблари ўртасида жорий йил сентябрь ойида ўтказилади.

IV. Танловни ташкил этиш, ва ҳолибларини аниқлаш тартиби

6. Танловнинг биринчи босқичини ўтказиш бўйича олий таълим муассасаси ректори буйруғи билан Ташкилий қўмита ва соҳа профессор-ўқитувчилари, олимлари, мутахассислари, жамоат ташкилотлари вакиллари билан иборат таркибда ҳакамлар ҳайъати тузилади.

7. Олий таълим муассасасида ёшлар билан ишлаш бўйича проректор бошчилигида ишчи гуруҳ ташкил этилади.

8. Танловда олий таълим муассаси талабалари ўзлари тайёрлаган ижодий ишлари (расмлар ва видеороликлар) билан иштирок этиши мумкин.

9. Танлов иштирокчилари томонидан тайёрланган ижодий ишлар мустақиллигимизнинг 30 йиллигига бағишланган бўлиб, қисқа метражли бадий ёки ҳужжатли видеоролик ёки расм кўринишда бўлиши керак.

10. Видеороликлар:

- а) давомийлиги 2 дақиқадан 3 дақиқача;
- б) формати MPEG-4;
- в) разрешения 720p (1280x720) ёки 480p (854x480);
- г) ҳажми 40 мегабайтгача бўлиши керак.

11. Расмлар:

а) бирор юза (*қозғоз, мато, тахта, девор ва б.*)га бўёқ (*акварель, мойбўёқ, темпера, гуашь, елимбўёқ*), қалам, рангли тош, шиша ва х. к. да ишланиши, рангтасвир ёки графика кўринишида бўлиши керак.

б) Иштирокчи талабалар ўз ижодий ишларини яратилиш жараёнини видео тасвирга олиб (*ижодий иш ҳақиқатдан ҳам иштирокчи талаба томонидан яратилганлигини исботлаш учун*), олий таълим муассасаси ишчи гуруҳига уяли алоқа воситаси (*телефон, планшет*) ёрдамида суратга олиб жўнатишлари керак.

12. Барча расмлар ва видеороликлар олий таълим муассасасининг ишчи гуруҳига тақдим этилади.

13. ОТМ Ишчи гуруҳи ижодий ишларни жамлаб, улар орасидан энг яхши деб, топилган 1 тасини республика Ташкилий-ишчи гуруҳи томонидан белгиланган кунга қадар телеграм мессенджеридаги 97-747-42-46 рақамига тақдим этади.

14. Ижодий ишлар иштирокчи талаба-ёшларнинг ўқиш жойи, факультети, курси ва таълим йўналиши тўлиқ кўрсатилган ҳолда тақдим этилади.

15. Барча расмлар ва видеороликлар ҳакамлар хайъати аъзолари томонидан кўриб чиқилади ҳамда ғолиблар аниқланади.

16. Ғолибларни аниқлашда ҳакамлар хайъати куйидаги меъзонларга эътибор қаратади:

а) расм ва видеороликда мавзунинг мазмун-моҳияти тўлақонли очиб берилганлиги;

б) расм ва видеоролик сифати;

в) муаллифларининг расм ва видеоролик яратилишидаги ўзига хос ижодкорлик хусусиятларининг ифода этилганлиги ишнинг плагиат талабига жавоб бериши.

17. Ғолиблар ижтимоий тармоқлар орқали эълон қилинади.

18. Юқоридаги талабларга жавоб бермайдиган ижодий ишлар қабул қилинмайди, муаллифлик ҳуқуқи бузилишига йўл қўйилмайди.

V. Танлов ғолибларини тақдирлаш

19. Танловнинг биринчи босқичида юқори (1, 2, 3) ўринларни эгаллаган талабалар олий таълим муассасалари томонидан махсус диплом ва қимматбаҳо совғалар, шунингдек, танловда фаол иштирок этган талабалар олий таълим муассасасининг фахрий ёрлиқлари билан тақдирланади. Юқори (1, 2, 3) ўринларни эгаллаган талабаларнинг ижодий ишлари олий таълим муассасаси газета ва журналларида ёритилади.

20. Танловнинг Республика босқичида ғолиб бўлган иштирокчи талаба-ёшлари Олий ва ўрта махсус таълим вазирлигининг дипломлари ва куйидаги тартибда пул маблағлари билан рағбатлантирилади:

Видеороликлар:

1-ўрин – 2 000 000 (икки миллион) сўм;

2-ўрин – 1 500 000 (бир миллион беш юз минг) сўм;

3-ўрин – 1 000 000 (бир миллион) сўм.

Расмлар:

1-ўрин – 2 000 000 (икки миллион) сўм;

2-ўрин – 1 500 000 (бир миллион беш юз минг) сўм;

3-ўрин – 1 000 000 (бир миллион) сўм.

21. Ғолиб бўлган талабаларни рағбатлантириш Олий ва ўрта махсус таълим вазирлигининг Олий таълим муассасаларини ривожлантириш жамғармаси ҳисобидан молиялаштирилади.

Фаол иштироки билан ажралиб турган талаба-ёшлар Олий ва ўрта махсус таълим вазирлигининг фахрий ёрлиғи билан тақдирланади.